

23. juni 2014

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaatattu saqqummiuppakka:

**Napasumi tunitsivik pisortatigut nalunaaruteqartoqareerneratigut junip aallartilaarnerani ammarneqartussaasoq tusartinneqarpugut. Aammalu Royal Greenlandimit ingerlanneqarunnaarluni namminersortunit Lilleholmekkunnit isumaqatigiissuteqartoqarneratigut tiguneqartussanngortoq. Neriorsuut tamanna maannamut suli eqqortinnejeqanngilaq.**

- 1. Qaqugu Napasumi tunitsivik ammarneqarniarp?**
- 2. Maannamut suli ammarneqannginneranut suut tunngaviuppat?**
- 3. Atammimmi aalisakkeriviup nutarsarneqarnissaanik allilerneqarnissaanillu Naalakker-suisut qaqugu pilersaaruteqarpat?**

(Ruth Heilmann, Siumut)

**Tunngavilersuut:**

Aalisartut nukillalaakkunnaqaat taamatut utaqqisinneqartuarmata, uffalu aalisagarpassuit maaneruttorfianni, tamanna pitsaanngilluinnarpoq, ilaqtariit pilersorneqartussaammata aammalu akiler-sugassat ingerlaannavittuummata. Aammalumi Napasumi aalisartut paasitinnejeqanngilluinnarsi-mapput ammarfissap allannguutaanik tassalu qaqugu tunitsiviup atuutileqqinnissaanik.

Atammimmi aalisakkanik tunisisinnaaneq uneqattaartumik ingerlanneqartuarnera Atammimmuit qatsulluinnaraat paasinarpooq, uffalu ukioq kaajallavillugu Atammiup eqqannguani aalisarneq ingerlanneqartuertoq tassami aalisagarpassuaqartuaannarami Atammiup eqqaa. Taamatuttaaq Qeqqata kommuniani nunaqarfinni aalisarnikkut aningaasarsiornermi Atammik qaffasinnerpaanik tunniussaqartuartusoq nalungilarput, qanorli aalisakkeriveqarnerat iluarsilluarneqaruni suli annertunerusunik aningaasarsiorfiusinnaagaluarami, tassuunakkullu inuiaqatigiit aningaasarsior-neranut iluaqutaanerussalluni suli.

Taamaattumik aalisakkeriviup allineqarnissaa piaernerpaamik pisariaqarpoq.

Apeqquteqaatikka ullut suliffiusut qulit qaangiutsinnangit akineqarnissaat piumasarivara.